

ZAPISNIK

sa sjednice Skupštine „Asocijacije kompozitora-muzičkih stvaralaca“ održane 15.06.2016. godine u J.U. Međunarodni centar za djecu i omladinu Novo Sarajevo, ul. Kemala Kapetanovića 17. sa početkom u 18,00 sati.

Sa sjednice Skupštine postoji video i tonski zapis.

Sjednicom predsjedava predsjednik Skupštine „Asocijacije kompozitora muzičkih-stvaralaca“ (u daljem tekstu: AMUS), Edin Dervišhalidović.

Predsjedniku Skupštine na uvid je dostavljen spisak svih članova AMUS-a na dan 15.06.2016. godine (nalazi se u prilogu ovog zapisnika) iz kojeg su vidljivi svi članovi koji su svoje prisustvo na sjednici verificovali potpisom.

Sjednici su prisustvovali sljedeći članovi Skupštine:

Abdagić Mirsad, Adilović Terović Lejla, Aganagić Mustafa, Ajanović Irfan, Alić Munib, Alimanović Sinan, Altarac Želimir, Antunović Goran, Babović Nedim, Bajraktarević Mehmed, Bajraktarević Mensura, Berak Ljubica, Bihorac Eldin, Bojadžija Hajra, Bostandžić Senad (Senci), Burzić Zlatan, Čamdžić Rifet, Cerić Semir, Češljarić Amar, Čizmić Mustafa, Čomaga Mirsad, Čović Aleksandar, Cvijić Marko, Dervišhalidović Edin, Đajić Milan, Đurić Zoran, Durmišević Hasib, Džudža Sanel, Esadović Nedžad, Galijašević Damir, Gegaj Izet, Gljiva Nazif, Hadžalić Bahrija, Hadžiahmetović Mirza, Hadžić Edvin, Hadžihalić Fikret, Hadžović Dženan Hadji, Halilović Zejnil Zeko, Hamzakadić Muharem, Hurić Zijad, Husam Izudin, Huseinbegović Edhem, Huseinović Avdo, Imamović Damir, Imamović Nedžad, Ireiz Hasan, Jahić Azur, Jahić Dženan, Jukić Suad, Karamešić Šehić Amra, Kozina Željko, Kurić Aldin, Kurtagić Fatima, Lazić Saša, Lojo Amil, Lukačević Rizah, Ljuca Besalet, Mangafić Dino, Mangafić Ibrahim, Mangafić Jasmin, Mašić Nardin, Matović Mladen, Milkunić Dejan, Milošević Borjan, Mirojević Maid Lelo, Močević Latif, Monteno Branka, Muharemović Muhidin Dino, Muslimović Halid, Nikić Momir, Nukić Selma, Omerović Abid, Pavlović Saša, Pinjuh Ivica, Polovina Ismet, Poturić Zaim, Pršić Goran-Masni, Ražnatović Igor Hamza, Redžić Fadil, Rizvanbegović Zijo, Šabović Fadil, Šadinlija Enver, Šaković Armin, Salihbegović Hamdija Hamo, Šaljić Jasmina, Saračević Ragib, Šaran Adnan, Šaran Edin Dino, Sarihodžić Mahir, Sarihodžić Maja, Šehić Amir, Šenkovski Mirko, Širbubalo Adis, Škaljo Adis, Smajlović Almas, Šojko Zlata, Stojičić Ostoja, Stojković Dragan Bosanac, Stroil Elvir, Sučić Davor, Šukalo Dino, Sulejmanović Mahir, Tahirović Irfan, Talović Edin, Tarabić Namik, Topalović Petar, Torlak Semka, Trnka Muhamed Muki, Tunjić Neven, Varajić Muris, Vatrešnjak Nurudin, Voloder Nihad, Vražalica Muharem, Vuca Aleksandar, Vukojević Igor, Zavlan Samir, Zeković Milada, Zlatar Nedim i Zolj Amir.

Uvodno obraćanje predsjednika Skupštine:

Nakon pozdrava prisutnih predsjednik Skupštine u svom uvodnom izlaganju ističe evidentan napredak u cjelokupnom razvoju AMUS-a u proteklom periodu od četiri godine. Akcenat stavlja na pozitivne finansijske rezultate, donesene sistemske akte koji potvrđuju transparentnost, raznolikost, dobrovoljnost i demokratiju kao osnovne principe rada AMUS-a, kao i napredak u saradnji sa Institutom za intelektualno vlasništvo BiH što je rezultiralo donošenjem novog Statuta usvojenog od strane Ministarstva pravde BiH. Kao bitnu činjenicu navodi da su prema novom Statutu svi članovi AMUS-a, članovi Skupštine.

Ističe da su učinjeni značajni koraci ka potpisivanju novih recipročnih ugovora sa sestrinskim inostranim kolektivnim organizacijama, a posebno naglašava zaključenje ugovora sa ZAMP-om. Nakon presude donesene od strane Suda BiH kojom se potvrđuje dozvola AMUS-a, a oduzimanje iste Sine Qua Non-u, u 2016. godini očekuje se povećanje broja ugovora čime će se ojačati položaj AMUS-a na regionalnom nivou kao i ključnim međunarodnim krovnim organizacijama. Jednoglasnim isključenjem Sine Qua Non-a iz članstva CISAC-a na

Generalnoj skupštini CISAC-a održanoj u junu ove godine, što je rezultat dugogodišnje pravne borbe AMUS-a, očekuje se regulisanje pitanja stalnog članstva AMUS-a u CISAC-u.

Nakon uvodnog obraćanja predsjednik Skupštine konstatuje da je ispunjen kvorum za pravovaljano odlučivanje sa 112 prisutnih članova od ukupno 740 članova Skupštine.

Tok skupštine:

Nakon što je ustanovio da postoji kvorum za rad Skupštine, Predsjednik Skupštine otvara sjednicu i predlaže sljedeći dnevni red:

Dnevni red:

1. Usvajanje dnevnog reda, imenovanje zapisničara i dva ovjerivača;
2. Usvajanje zapisnika sa prošle sjednice Skupštine;
3. Godišnji izvještaj za 2015. godinu;
4. Godišnji plan i program rada i finansijski plan za 2017. godinu;
5. Godišnji plan raspodjele ubranih naknada;
6. Odluka o sredstvima za kulturne i socijalne namjene;
7. Odluka o otvaranju podružnica AMUS-a (usklađivanje sa Statutom);
8. Set pravilnika;
9. Razrješenje i imenovanje člana Nadzornog odbora (usklađivanje sa Statutom);
10. Razno

Ad 1.

Na upit predsjednika Skupštine, da li ima prijedloga za dopunu ili izmjenu dnevnog reda, konstatuje da istih nema i stavlja na glasanje predloženi dnevni red.

Zaključak:

Predloženi dnevni red jednoglasno usvojen:

Za: 112

Protiv: 0

Suzdržanih: 0

Predsjednik Skupštine predlaže da se za zapisničara imenuje Sabina Hajrudinović, dipl. pravnik zaposlena u Stručnoj službi, a za ovjerivače:

Nardin Mašić, dipl. pravnik zaposlen u Stručnoj službi i Samir Mujagić, sekretar Udruženja.

Zaključak:

Prijedlog zapisničara i ovjerivača jednoglasno usvojen:

Za: 112

Protiv: 0

Suzdržanih: 0

Ad 2.

Predsjednik Skupštine predlaže usvajanje zapisnika sa prošle sjednice Skupštine ističući da je isti svim prisutnim bio stavljen na upoznavanje prije Skupštine. Konstatuje da zapisnik nije neophodno čitati i isti stavlja na glasanje.

Zaključak:

Zapisnik sa prošle sjednice jednoglasno usvojen.

Za: 112

Protiv: 0

Suzdržanih: 0

Ad 3.

Predsjednik Skupštine prije otvaranje diskusije i glasanja o tački 3. dnevnog reda, poziva generalnu direktoricu Stručne službe AMUS-a, Lejlu Trnčić da se obrati Skupštini i predstavi rezultate Stručne službe u predhodnoj godini.

U svom izlaganju generalna direktorica Stručne službe AMUS-a, Lejla Trnčić prezentira ostvarene rezultate rada Stručne službe ističući da je poslovna 2015. godina najuspješnija do sada o čemu svjedoči podatak da je ukupno naplaćeni prihod AMUS-a u 2015. godini iznosio 3.147.920 KM što predstavlja povećanje od 14,57% u odnosu na 2014. godinu. Povećanje troškova uposlenika Stručne službe i sekretara sa doprinosima i ostalim obavezama u odnosu na 2014. godinu posljedica je učestalih provjera korištenja muzike na terenu, kao i zbog isplaćivanja bonusa bivšeg direktora Mirze Hajrića, sebi i zaposlenicima Stručne službe. Nakon izmjene završnog računa zaposlenici kojima je isplaćen bonus zaduženi su za isplaćene iznose, što je rezultiralo pozitivnim izvještajem za 2015. godinu od strane neovisne revizorske kuće RECONS o čemu je obaviješten Institut za intelektualno vlasništvo BiH. Također navodi da je povećan broj zaključenih ugovora sa korisnicima autorskih muzičkih djela, zatim pojačane aktivnosti prema korisnicima koji do sada nisu pristupili zaključenju ugovora sa AMUS-om i to kroz zahtjeve policiji, inspekciji kao i podnošenjem tužbi.

U daljnjem izlaganju ističe poboljšanje statusa AMUS-a na regionalnom i internacionalnom planu, a konkretni rezultati vidljivi su u 2016. godini. Napredak AMUS-a, a samim tim i Stručne službe, potvrdio je i Institut za intelektualno vlasništvo BiH u svom izvještaju o provedenom nadzoru nad radom AMUS-a u 2014. godini u kojem se navodi da je poslovanje AMUS-a u potpunosti usklađeno sa Zakonom o kolektivnom ostvarivanju autorskog i srodnih prava. Navedeni pokazatelji zasigurno će biti vodilja Stručne službe i u narednom periodu. Stručna služba je u 2015. godini izvršila sve neophodne radnje na otvaranju podružnica u Mostaru i Banjoj Luci što je planirano još od 2013. godine. Uspostavila je mrežu ovlaštenih terenski zastupnika u 2015. godini, što kao direktan rezultat ima povećanje zaključenih ugovora sa korisnicima. Jače međunarodno pozicioniranje AMUS-a bilo je u fokusu rada na međunarodnom planu i tim povodom u 2015. godini održan je niz sastanaka sa kolegama iz regiona i svijeta. Učestvujući na navedenim zasjedanjima krovnih evropskih i svjetskih konfederacija za zaštitu autorskih prava, a nakon donošenja presude Suda BiH kojom se odbija tužba Sine Qua Non-a protiv Rješenja Instituta kojim je izdata dozvola AMUS-u, a oduzeta Sine Qua Non-u, Stručna služba je pripremila teren da u narednom periodu budu zaključeni i preostali recipročni ugovori sa sestrinskim organizacijama. Također su učinjeni bitni koraci ka definisanju i poboljšanju socijalnog statusa članova AMUS-a.

Na samom kraju ističe da će svi navedeni rezultati rada Stručne službe u 2015. i prvoj polovini 2016. godine biti vidljivi u predstojećoj isplati ubranih autorskih naknada, naglašavajući da je AMUS do sada isplaćivao samo naknade članovima AMUS-a, a od isplate koja nam predstoji AMUS jednim dijelom počinje isplaćivati i strane autore. Netto

iznos za ovu raspodjelu biće 1.928.693, koji je prikupljen u periodu od 01.06.2015.-31.05.2016. godine, odnosno za period od godinu dana. Imajući u vidu navedene podatke naglašava da je za period od godinu dana prikupljen veći iznos za 69.217 KM što pokazuje konstantan rad AMUS-a.

Nakon izlaganja generalne direktorice predsjednik Skupštine predlaže da se stavi na glasanje Godišnji izvještaj za 2015. godinu.

Zaključak:

Godišnji izvještaj za 2015. godinu jednoglasno usvojen:

Za: 112

Protiv: 0

Suzdržanih: 0

Ad 4.

Predsjednik Skupštine otvara diskusiju o tački 4. dnevnog reda na koju niko od prisutnih članova Skupštine nema primjedbi i stavlja na glasanje Godišnji plan i program rada i finansijski plan za 2017. godinu:

Zaključak:

Godišnji plan i program rada i finansijski plan za 2017. godinu jednoglasno usvojen:

Za: 112

Protiv: 0

Suzdržanih: 0

Ad 5.

Predsjednik Skupštine prije otvaranje diskusije o tački 5. dnevnog reda ističe da su prethodno usvojenim tekstom Statuta i pravilnicima detaljno predviđena pravila i način raspodjele ubranih naknada, te su kao takva poznata svim članovima Skupštine. Po pozivu predsjednika Skupštine niko od prisutnih članova Skupštine nije se javio za riječ i stavlja na glasanje Godišnji plan raspodjele ubranih naknada.

Zaključak:

Godišnji plan raspodjele ubranih naknada jednoglasno usvojen:

Za: 112

Protiv: 0

Suzdržanih: 0

Ad. 6.

Predsjednik Skupštine konstatovao da je u ovom momentu povećan broj prisutnih članova na 114.

Predsjednik Skupštine prije otvaranja diskusije o tački 6. dnevnog reda ističe da je donošenje i usvajanje Odluke o sredstvima za kulturne i socijalne namjene propisano Statutom AMUS-a i vezano za član 7. stav 2. Zakona o kolektivnom ostvarivanju autorskog i srodnih prava kojim je propisano da se Statutom kolektivne organizacije može izričito predvidjeti da se određeni dio prikupljenih sredstava odvoji za kulturne namjene kao i za unapređenje

penzionog, zdravstvenog i socijalnog statusa svojih članova ali ne više od 10% netto prihoda organizacije.

Predsjednik Skupštine otvara raspravu po tački 6. dnevnog reda.

Za riječ se javlja član Nadzornog odbora Almas Smajlović izražavajući potpunu podršku Nadzornog odbora za usvajanje navedene odluke, ukazujući ujedno organima upravljanja i članovima Skupštine da je, prilikom izbora aplikanata za dodjelu sredstava, potrebno voditi računa da sredstva budu usmjerena isključivo domaćim autorima.

Na upit predsjednika Skupštine da li se opaska odnosi na neki konkretan slučaj, predsjednik Nadzornog odbora, Hamza Ražnatović istakao je primjer Jazz festivala.

S tim u vezi, razvila se diskusija o dodijeljenim sredstvima Jazz festivalu.

Mišljenje Nadzornog odbora o komercijalnom statusu festivala i da učesnici nisu autori iz BiH, osporio je član Skupštine Dino Šukalo, koji je kao jedan od učesnika navedenog festivala dao punu podršku za njegovo finansiranje. Nadalje, član Nadzornog odbora Almas Smajlović navodi da se podržava navedeni festival ali da se treba obrati pažnja prilikom usmjeravanja ovih sredstava.

Nakon kraće diskusije u kojoj su se prisutnima obratili članovi Skupštine Đurić Zoran, Aldin Kurić, Želimir Altarac i drugi, kao i upita o pojašnjenju načina izbora aplikanata, za riječ se javio predsjednik Upravnog odbora, Davor Sučić pojašnjavajući da se izbor aplikanata vrši u skladu sa Pravilnikom o fondu za kulturne i socijalne namjene, te napomenuo da su uslovi za apliciranje i kriteriji za izdvajanje sredstava već poznati članovima Skupštine i nalaze se u navedenom pravilniku koji je usvojen i objavljen na službenoj stranici AMUS-a.

Predsjednik Skupštine predlaže da Skupština donese Odluku o sredstvima za kulturne i socijalne namjene kojom bi visina sredstava koja se izdvajaju u fond za kulturne i socijalne namjene bila 10% netto prihoda AMUS-a.

Zaključak:

Odluka o sredstvima za kulturne i socijalne namjene jednoglasno usvojena:

Za: 114

Protiv: 0

Suzdržanih: 0

Ad. 7.

Predsjednik Skupštine, obzirom da nema diskusije na tačku 7. dnevnog reda, predlaže da Skupština donese Odluku o otvaranju podružnica AMUS-a, pri čemu je napomenuo da je riječ o usklađivanju sa Statutom, kojim su podružnice AMUS-a već i predviđene.

Zaključak:

Odluka o otvaranju podružnica AMUS-a (usklađivanje sa Statutom) jednoglasno usvojena:

Za: 114

Protiv: 0

Suzdržanih: 0

Ad. 8.

Predsjednik Skupštine otvara diskusiju o tački 8. dnevnog reda i pojašnjava da set pravilnika podrazumijeva sljedeće pravilnike i to:

- Pravilnik o nabavkama;
- Pravilnik o unutrašnjoj organizaciji i sistematizaciji radnih mjesta;

- Pravilnik o dodjeli nagrada;
- Pravilnik o naknadama predsjednika Skupštine, potpredsjednika Skupštine, članova Upravnog odbora i članova Nadzornog odbora;
- Pravilnik o kriterijima i postupku za isplatu novčane nagrade-stimulacije zaposlenim u AMUS-u.

Za riječ se javlja član Skupštine Amil Lojo tražeći pojašnjenje visine i rokova isplate naknada prema predloženom pravilniku članovima Upravnog odbora citirajući odredbu prijedloga pravilnika po kojoj zbir isplaćenih naknada u jednom mjesecu ne može biti veći od dvije posječne netto plate isplaćene u BiH u prethodnoj godini. S tim u vezi pojašnjenje daje generalna direktorica Stručne službe Lejla Trnčić upoznavajući članstvo da je visina od dvije netto prosječne plate propisana Odlukom o kriterijima za utvrđivanje novčane naknade za rad u upravnim tijelima, nadzornim i drugim odborima i drugim tijelima iz nadležnosti institucija BiH u skladu sa kojom je i sačinjen prijedlog pravilnika.

Po pozivu predsjednika Skupštine prisutnima se obraća direktor revizorske kuće RECONS iz Sarajeva, Nedžad Grcić i obrazlaže potrebu usvajanja Pravilnika o kriterijima i postupku za isplatu novčane nagrade-stimulacije zaposlenim u AMUS-u, s obzirom da je Odluka kojom je isplaćen bonus stavljena van snage, prema čemu bi svaka izvršena isplata bila tretirana kao neovlašteno raspolaganje i sticanje neovlaštene imovinske koristi i u tom slučaju bi revizorski izvještaj bio negativan.

Uslijed kratke diskusije o Pravilniku o kriterijima i postupku za isplatu novčane nagrade-stimulacije zaposlenim u AMUS-u i obrazlaganja člana Upravnog odbora, Igora Vukojevića i člana Skupštine Burzić Zlatana, direktor revizorske kuće RECONS iz Sarajeva zaključuje da je pravilnik fakultativnog, a ne imperativnog karaktera.

Predsjednik Skupštine stavlja na glasanje tačku 8. dnevnog reda, te se pojedinačno glasa za svaki pravilnik, na način kako slijedi:

1.Pravilnik o nabavkama

Zaključak:

Pravilnik o nabavkama usvojen:

Za: 113

Protiv: 0

Suzdržanih: 1

2.Pravilnik o unutrašnjoj organizaciji i sistematizaciji radnih mjesta

Zaključak:

Pravilnik o unutrašnjoj organizaciji i sistematizaciji radnih mjesta usvojen:

Za: 114

Protiv: 0

Suzdržanih: 0

3.Pravilnik o dodjeli nagrada

Zaključak:

Pravilnik o dodjeli nagrada

Za: 112

Protiv: 2

Suzdržanih: 0

4. Pravilnik o naknadama predsjednika Skupštine, potpredsjednika Skupštine, članova Upravnog odbora i članova Nadzornog odbora;

Zaključak:

Pravilnik o naknadama predsjednika Skupštine, potpredsjednika Skupštine, članova Upravnog odbora i članova Nadzornog odbora;

Za: 106

Protiv: 2

Suzdržanih: 6

5. Pravilnik o kriterijima i postupku za isplatu novčane nagrade-stimulacije zaposlenim u AMUS-u.

Zaključak:

Pravilnik o kriterijima i postupku za isplatu novčane nagrade-stimulacije zaposlenim u AMUS-u:

Za: 53

Protiv: 17

Suzdržanih: 18

Ad. 9.

Predsjednik Skupštine podsjetio je članove Skupštine da je u skladu sa preporukama Instituta, propisano da najmanje jedan član Nadzornog odbora mora biti ekspert ekonomske struke. S obzirom da do dana održavanja Skupštine, po upućenom pozivu od 29. aprila svim članovima AMUS-a za prijedlog ili isticanje kandidature članova Nadzornog odbora, nije pristigla ni jedna prijava, time se o tački 9. dnevnog reda nije raspravljalo.

Predsjednik Skupštine ističe da će se u narednom periodu uputiti ponovni Poziv članovima AMUS-a, izražavajući nadu da će se po istom odazvati članovi koji smatraju da ispunjavaju predviđene kriterije.

Ad. 10.

Predsjednik Skupštine konstatovao da je u ovom momentu povećan broj prisutnih članova na 119.

Predmet raspravljanja tačke „Razno“, bio je izvještaj o sudskim sporovima koje članovi vode protiv AMUS-a. Izvještaj je prezentirao advokat Damir Alagić iz Sarajeva. U svom izlaganju ističe da nesuglasice unutar AMUS-a mogu imati izrazito štetne posljedice na sam rad i opstanak AMUS-a, ujedno pojašnjavajući opravdanost izbora samo jedne advokatske kancelarije koja bi preuzela sve predmete AMUS-a.

Nadalje, generalna direktorica Stručne službe, informisala je članove Skupštine da nisu preduzete aktivnosti za prikupljanje ponuda za kupovinu poslovnih prostorija za potrebe rada AMUS-a, jer su ta sredstva planirana budžetom za 2017. godinu. Aktivnosti Stručne službe AMUS-a o ovom pitanju planirane su u posljednjem kvartalu ove godine. Sve ponude za kupovinu biti će dostavljene Upravnom odboru koji će napraviti selekciju, a zatim će biti predstavljene Skupštini AMUS-a na prvom sljedećem zasijedanju radi izjašnjenja.

Raspravljao se o ustanovljavanju suda časti, donošenju zakona ili drugog obvezujućeg propisa obaveze emitiranja domaćih autora, kategorizacije muzike i slično.

Član Nadzornog odbora Zijo Rizvanbegović, pohvalio je ažurnost Stručne službe u dostavljanju mjesečnih izvještaja, za razliku od perioda prethodnog generalnog direktora.

Na molbu predsjednika Skupštine, članovi Skupštine minutom šutnje odali su počast nedavno preminuloj kantautorici i članici AMUS-a, Jadranki Stojaković.


Predsjednik Skupštine zaključuje rad Skupštine i zatvara sjednicu Skupštine „Asocijacije kompozitora-muzičkih stvaralaca“ u 20,30 sati.




Predsjednik Skupštine
Edin Dervišhalidović



Zapisičar
Sabina Hajrudinović, dipl. pravnik



Ovjerivač
Nardin Mašić, dipl. pravnik



Ovjerivač
Samir Mujagić, sekretar Udruženja

Prilog (1):

- Lista članova AMUS-a 15.06.2016.